



Central Kochuam Numei Pawl Committee leh Puitute



Bengaluru Presbyterian Kochuamte leh Puitute

To,

If undelivered please return to - TPC Office,
 P.O. Box - 107
 D. Phailian,
 Churachandpur - 795128
 Manipur, India



ESTD. MARCH 2008
 MAY 2023

Monthly Christian Magazine

Hinna Vâk

AN ORGAN OF THE TANGPAI PRESBYTERIAN CHURCH



CHANCHINPHA HUN TUNTUTE KENG CHU A
 MELPHA NA LAWM LAWM E!

- Mission
- Kochuam Napi pen Missionary nasep
- Khanglaite leh Mission

Editor : Rev. S. Lama Vaiphei, Executive Secretary

Joint Editors : Rev. P.B Zosapthara, Consultant
: Rev. K. Jama Vaiphei
: Rev. Th. Samuel Vaiphei
: Upa Lalminsang
: Upa S. Lalpi
: Pi Hawipakkim, Secretary, CKNP
: Upa Genminlun, Secretary, CKKP

Business Manager : Pu Lalbiaklian, Office Superintendent
TPC Office D. Phailian
P.O. Box 107 CCPur-795128 Manipur
Phone No. +91 9089623251
Email - *ehinnavak@gmail.com*

Kum khat lak man : Rs. 150.00

A man pia nuam leh a la thak nuam ten Business Manager kianga hiatsak ding.

A SUNGAH THU UMTE

1. Editorial	01
2. KOCHUAM HUANG	02
3. CHANCHINPHA HUN TUNTUTE KENG CHU A MELPHA NA LAWM LAWM E!	04
4. MISSION	07
5. KOCHUAM NAPI PEN MISSIONARY NASEP	10
6. KHANGLAITE LEH MISSION	14
7. SERMON	
a) I dinna mun	20
b) Kraws	22
c) Christian Hinkho	25
8. LA LEH A CHANCHIN	28
9. KNP HUANG	34
11. KKP HUANG	37
12. SUNNA	39

Moderator : Rev. Ngurthanmawia Sailo
Secretaries : Rev. C. Lalrinliana (Sr.)
 Rev. Thanglianlal (Jr.)
Finance Officer : Rev. S. Khaikhawlam
Statistician : Upa Kaikhokam
Executive Secretary : Rev. S. Lama Vaiphei
Consultant : Rev. P.B. Zosapthara

Hinna Vâk ah thu kisua zosia hi Editor ngaidan a hi suak puai



Pauchapna Thupi:

1. Bial tin in Bial Kikhawmpi lawting tak ah i matchai thei ziak un kipa-kthu gen hitiu.
2. Missionary mun chuam chuam ah um te a dingin pauchap hitiu.
3. Rostad Memorial High School ah Zillaite leh Zilfiltu zosia te a dingin pauchap hitiu.
4. I Synod Office ah semtute zosia pauchap piak hitiu.
5. Leilon Pastor Bial ah i Kochuam mi gam leh gua buaina ziak ah hak-satna thuakte pauchappi hitiu.

A BULIN KIPAN THAKKIT HI TIU

1980 malam vela pat khan i gam in revival lopi tak a la tung ah, zia revival in a hindaw chu Kochuam sung ah limna leh kipakna bep hilo in thagau mangthai lainatna mitthitui a hing khawm a hi.

Zia hunlai a khan naupang cha ka hia, ka khuau a chun naupang lam inle halna ka chang ua, a group a group ah kisiam in Bible sim ah daikiang lam ah kikhawpna, pauchapkhawmna hun te ka mang sek ui. Nu leh pa te thagau mangthai lainatna zia ah mitthi luang zung zung ah pauchap te khan eizo uh hi ding a hia, mitthi le tamtak ka la seng pha ve a hi.

Missionary Fellowship of Manipur ten bial a hung fang ua, Chanchinbu Thutak Aw kiti chu i vak sim leh melmapa Setan in gam a venbit guat dan leh missionary te a sawisak dan te a hung suklat ua chun mitthi luang pumin missionary te a ding ah Pathianni sin anngawlin a ki pauchap mai sek hi. Zia hin eimau lak ngei ah le in leh lo nusia ah gamthak bulu ah kuan ta bang hem zat a hingdawk a hi kha.

Tuhinle Synod thak i hi tak uh tawh kitawn in Synod Mission Board chun Gamthak Commission a din a, zia te chun malak ding dan hung guanggal kit ding a hui a, i mitthi tui un chapno thak kit hi tiu in, nidang ah Missionary Day hi Missionary thakuanni ding mawng ah i ngai ziang lai teu kha geldawk thak kitin, a bulin kipan kit hi tiu in, thagau mangthai lainatna mitthi tui baw kha i bulpat na ding uh chu a hi. Mitthi tui panglo ah missionary na i sep ualeh lawsam ding i hui.



Ko chuam Huang

Bial Kikhawmpi

Tangphai Provisional Synod huap sung ah Bial tamzawte chun i Calendar dungzui un Pastor Bial Kikhawmpi i mang chiat thei ua, Pathian zangaina a hi ti i hiau ah, kipak um i sa takzet hi. Leilon Pastor Bialte hin buaina a nei ziak un Pastor Bial Kikhawmpi hi May tha lam ah mang ding in guanggalna siam a hia, i pauchapnateu ah delzui ding in i kichial u’i.

Financial Accounts Training um ding

A hung tung ding May 12, 2023 (Simhaini) hileh Thangkai-Lungpau Hall, TPC Office ah Synod Auditor-te mapuina in Financial Accounts training um ding a hi. Ziana ah pang dite chu: Bial Kikhawmpi Treasurer-te, Bial KNP & KKP Treasurer-te, CKNP leh CKKP Finance Secretary leh Treasurer-te hi ding a hiu. Zia hun ahin Resource person te

ah kipat in Thupi pani – Synod Sum Vawp Dan leh Budget leh, Sum Enkawltute Mawpuakna (Bookkeeping) ti thupite ah kipat in kizilsakna um ding a hi. A pang di dawlte sia chu pangkim chiat ding ua kineppi a hiu.

PCI vâisaina ah Finance Training ah pang ding

May 16, 2023 (Sepkitni) hileh PCI vâisaina in Finance Training, Presbyterian Assembly House, Shillong ah nei hi ding a hi. Zia hun ahin sawlkar lam tawh kisai ah kivenna ding leh hiat ding ah pawimawte kihilna um ding a hi. Zia Training ahin Tual Upa Manglalleh, Accountant, TPC Office leh Rev. S. Khaikholam, Finance Officer-te ei uh Provisional Synod thasang ah va pang ding a hiu.

PCI Assembly Pauchap khwamna

A hung tung ding May 28, 2023 (Pathianni) hi Pentecost Sunday hi ding a hi ta, zia ni ahin i la bawl zing sek gual un PCI

HINNA VÂK

Assembly Pauchapkhawmna hun mat hi ding a hi. Zia PCI Assembly Pauchapkhawmna Kikhawp ah puitu/hun mangtu dingte kaihuaina Thupi leh Pauchapna ah hiat ding pawimawte chu Kochuam tin in Office ah kipat thawtdaw a hi ta, a mu lo i um khâk uh a hi chun a kin thei lam in Office lam ah kihatsak pha'n a. Chuleh, thilpiak le PCI Assembly â ding ah lâkkhawm hi'ntin, zia chu Form F mang ah Bial Treasurer haw malam in Office ah piaklut chiat ding hi'na.

Kochuam Ding Thak

Bangaluru (Bangalore kiti sek kha) ah i Kochuam mi va umte kikhawpkhawmna ding in April 9, 2023 (Pathianni) ah khan Bangaluru Kochuam chu phudaw in a um ta; April 16, 2023 (Pathianni) ah khan kikhawpkhawmna masapen chu Ashirvad Centre in a nei thei ngal ua, kipak a um takzet hi. Executive Secretay, Rev. S. Lama Vaiphei leh Consultant, Rev. PB Zosaphara-ten le

April 30, 2023 (Pathianni) ah khan hun a va matpi thei u'i.

Pastor Quarters Thak

Guwahati ah i Kochuamte kilawikhawm theina ding in Guwahati Pastor Quarters ding chu chawkdaw a hi ta, kipak a um takzet hi. May 14, 2023 (Pathianni) hileh i Constultant uh, Rev. PB Zosaphara'n a hawmna hun va mang ding a hi.

Thigawpi Ziak ah Siatna Tuak

April thatawp lam ah huipi hât tak takte ziak ah khan i Kochuam sung ah mi khenkhat chu a chenna In uh leh Biak In-teu suksiat in a um hi ti thu hiat a hi. Tu tiang ah chanchin kihiat dan in, Leilon, Munpi, D. Khawzim Bialte ah Biak In leh chenna In khenkhat chu a sia, Kochuam in panpi thei ding dan ngaitua in a bawzui ah, a kigawm in cheng 1,38,000/- (*Nuai khat leh Sing thum leh Sanggiat*) chu tuaksiat tuakte panpina ding in Sanction bawl a hi.

“CHACHINPHA HUN TUNTUTE KENG CHU A MELPHA NA LAWM LAWM E!”

(Isai 52:7 ; Romte 10:14-15)

*Rev. S. Kumar
i/c B. Phainuam Pastor Bial*

“Chanchinpha” ti hi chanchin a pha bep hilo in thu kipakum ahi. Grik pau ah Gospel kiti hi “*a tak tak hilo ding inle a kilawm hial hi*”. Tulai khawvel ahin thil a tak tak hilo ding ah kilawmlo haw le kilawm thei in a um ta. Ahinla Jesu Khrista chanchinpha chu a tak in a lopi hi. Sawlchak Paul in “Chanchinpha hun tuntute keng chu a melpha na lawm lawm e” a la ti hial hi.

1. Haksatna tampi nusia in chanchinpha gen dingin a kipan u’i : (2 Timothi 4:7 ; 2 Korinth 11:25-30)

Sawlchak Paul chu Jesu Khrista thawkna etsaktu phatak a hi. Zepna thumvei a la tuak hi. Romte hunlai ah mipi lak ah gawtna chikhat a hi, Rom mi leh sa ahi ziak in a chang leh zia gual gawtna a pat chun ala suakcha thei sek a hi. Rom mipite chu thutanna ma dinsak a hi masa sek ui. Chanchinpha ziak ah suang

a se inle a la um hi. Nasepte 14:19-20 a chun, Antiok leh Ikoniam khua Judate’n Sawlchak Paul suang ah a se thu uh imu thei a, a thi hita’n ah ti in khawpi pawlam ah chuna kaidawktau a, himaleh, a kîmvel ah nungzuite a mu in, a thodawk kit ah, khawpi sung a zuan kit tai. Thumvei hial lawng siatna tuak in zan khat leh sun khat tuipi chung in tawvel in a la um a, ahinla, mu daw leh hukdaw in a la um hi. Chanchinpha ziak in

HINNA VÂK

zia haw zosia hi Sawlchak Paul in a la thuak a hi. Tui chung ah zin chu thil lau-um tak ahia, ahinla Khrista kona gual ah gamtin ah chanchinpha puangjak ding a pawimaw a hi. 2 Timothi 4:7 na achun, “Kidona pha chu ka zo tai” a ti gual in Khristian hinkhua hi kidona phual ah gitlona, sual, khawvel nawpsakna, taksa utna leh diabol tawh kidona a hi. Sawlchak Paul in zia haw zosia chu do zo a hi dan a gen ah, Khristian hinkhua hile zia gual ma chun kitaisiakna ah i tai ding uh ahi. (1 Korinth 9:24-26)

2. Chanchinpha hi Thagau lam leh Taksa lam khantona ding ahi : 1 Korinth 6:19

I Taksa un An a mamaw gual in I Thagau lam hinkhuau inle An a mamaw hi. Thagau lam a dingah An chu Pathian thu a hi. Zia Pathian thu hi i nisin hinkhuau ah Taksa leh Thagau lam ah khangto a Khrista

batna lampi ah ei pui theitu ahi. Pathian in a ma tawh kibang in ei la siam ah. Pathian thagau ei ah a chenna a hin a ma tawh kibatna ding ah ga a sua thei hi. Pathian in Thagau lam ah khangto ding in ei dawi hi. Sûn leh Jân ah Pathian thu ngaitua ding in Pathian in ei dawi a, Pathian thu lo in Thagau lam ah khantona a um thei puai. Pathian leh a thu hi a chiakhawm zing a hi. A thu bep het ah Pathian neilo ti a um thei puai. Joshua 1:8 na chun Pathian thu a sùn a jân ah i ngaitua chun, i lampi lamzang intin, lawting ding ihi ti imu thei uh a hi. Pathian thupiak gual in I khangto ding leh ga i sua ngei ding uh a hi.

Khristian Thagau lam hinkhua ah i khanto nawp a hi chun hunsin nisin ah pauchap zing, Pathian thu sim zing leh Pathian thu ngaitua zing ah a thu zawp ding a hi. Hun sin ah Pathian

thu i ngaitua a, i hinkhua a dingah I mat a hi chun Thagau lam ah gate Galatia 5:22-23 ah a gen gual in – Hepina, Kipakna, Chamna, Dawtheina, Nunne mna, Phatna, Ginumna, Thunuaigawl na leh Kisumtheina nei thei ding ihi. I Thagau lam hinkhua lampi dik ah ei pui thei tu chu Pathian thu bep hi a hi. A dang bangma a um puai!

3. Chanchinpha dawngtute zosia chun Pathian pâk hen : (Sam 56:10)

Gingtu zosia'n i het ding uh chu Pathian lunglam hawl hi a pawimaw pen a hi. A ziak chu i Taksa leh Thagau kumtuang ah thattheitu chu ama bep ahi zia kin ama lunglam hawl chu i buai pi pen ding uh a hi.

Pathian in a chate a ding in a siatna dingun a ngaitua pua, a phatna dinguh, khantona

ding leh lawtingna ding a ngaitua a hi. Sum leh pai leh minthanna khel hilo in Ama thu zawm ding, Ama za ding in leh A min su lopitu hi ding in ei daw i zaw a hi. Pathian doilam bawl hi i hinkhuau ah i bawl ding poimaw pen a hi. Pathian a dingah hin hi kumtuang a dingah hinna ei tuntu a hi. Diktak ah Vaihawm Pathian a hi zia kin Ama ka pâk a, Jangaina dim Jehova Pathian ka pâk a hi.

Haksatna leh nawpna ka tuak hun, a pha leh a phalo Pathian a pat ka dawng hun in Ama pâk zing ding kahi. Ama chu pâktâk Pathian, a mite a dingah lungsiatna nei zing, ngilneina leh hepina Ama ah um, a thisan lûlna zia kin leh diktatna, ei a chate a ding ah a kipiakna zosia zia kin Pâk tak a hi.

“MISSION”

(Matt. 28:19-20)

~ Rev. Zuankhawmang
i/c Tungkyaw Pastor Bial

Mission ti thumal hi Bible in mu a hi pua, Bible thiamte'n Latin pau Missio pat a lak uh sawldawk tina a hi, a tiu a. Zia chu sap pau in Mission a tiu a, ei un le l mang tau hi. Zia thumal hi Burmese ten le a la mang tau. 200 BC vel in India Buddhist King Azoka in Sonathera leh Uttarathera te Burma gam ah Missionary dingin a la sawl hi ti hi Burma religion history in mu a hi. Zia thumal ma chu mangin Franch sepai minthang Napoleon Bonarparte in Caesar te, Alexander te leh keiman, meithal leh Bomb tawh gam lian tak tak ka lua ua, maleh nikhat ni leh hung kiam deu deu intin, Jesu'n vang hepina tawh Missionary na a sep na ah Pathian gam a tundin hi, tawpni nei puan tin, hung khanglian deu deu ding a hi a ti.

Mission na sem masapen Pathian a hi :

Kochuam te'n Mission nasep tia i gensek uh hi ei mihingte patkawm hilo in Eden huan ah Pathian in a hun pat a hi tai. Pathian in a ma lim leh mel pu in mihing a siam a, a hepi ma ma a, maleh mihing ten nek lo ding a nek

tak ziakun sualna'n puk in Pathian tawh mihing kizawpna a tan tai. Maleh Pathianin a hepi ma ma a, mihing sualna ah puk te hawl in "khawi ah la um em?" (Thilsiamthu 3:9) ti in a hun hawl dawkit hi. Zia hi Pathian in mihing a hun hawl na a hi. Maleh sualna ah puk mihing te hi gitlona

chitin in iki thuam tau a, zia te hukdaw theina dingin Israel te a hun têt a. Israel te'n kiletsak pi in, a tawp a Pathian le hemil in Baal pathiante, Asheroth pathian te a biak san tau a. Pathian chu a mi têt Israel te tawh kizawp nuam kit in lengte, zawlneite haw mangin thupiak te a pia zel a, maleh a zui nuam diak puau hi. *“Bawngchal in a neipa a hia'n, sabitung in a enkawlpaa an piakna a hia'i, maleh Israel te'n a hepuaa in, ka mite'n a hechian puau hi”* (Isai 1:3)

A misiam mihingten a nusia tau a, a mitêt Israel te'n pathian dang a biak san tau a, maleh Pathian hepina chu a chuai diak pua, a tawpin a chapa nei sun Jesu Krista chu khawvel mite tan dingin a hun sawl tai.

Jesu'n Mission na a hun sem hi :

Pathian in palai chuam chuam mangin thu a gen

a, maleh kuaman a thugen uh a ngaisak ta puau a, zia ziak chun Pathian in a chapa neisun a hun sawl tai (Johan 3:16). I Lalpau Jesu hi mihing gual in zia khawvel ah hin a hung suk a, damlo te a damsak a, gilkiat te an a pia, phâkte a hinâm a, migilote a ngaidam a, mithi te nangawn a kaitho hi. Sualna ziak a Eden huan a kikhen sate zawp kitna nasep chu Jesu ziak ah Pathian in kizawpna leilawn ei bawl piak tai. Zia leilawn akilawn theina ding ah a thupi pen chu ginna a hi. Jesu chu Lal leh hukdampa la pawm chun Pathian tawh a kizawp kit, Pathian cha hina la chang kit tai. Kraws chung ah eimau gitlo ziak ah hukdamna na a hun sem a, zia chun Pathian tawh iki lem kit bep uh a hi. Zia ziak chun Johan in *“Entiam un Pathian Belamno, khawvel gitlo pawmangpa saw.”* John 1:29.

HINNA VÂK

Kochuam leh mimal in Mission na sep ding ahi :

Jesu van a kalto ma in a nungzuite kiangin chiau inla Nam tin lak ah mi nungzui in siamuntithupiaklopitakapia, zia nungzui te chun Kochuam a hun phut ua, zia kochuam chu Pathian Kochuam a hia, zia Kochuam chun Mission nâ a sep ding him a hi. Zia Kochuam chun Mission na a hun sep phat leh Kochuam hing, Kochuam khangto ahi bep hi. Theologian minthang Emil Brunner in *“Mission na sem lo Kochuam chu tuipi thi gual a hi”* ati’i. Tuipi thi hi bangma mattâk ahi pua, a ui a, a namsia, ganhing bangma

a cheng thei puai. Galilee dîl vang a hing zing a, a chîm a, tui ah cheng ganhing chitin a chengthei hi. Kochuam chu a thi di hilo in, a hing zing ding a hi.

Zia a hing zing Kochuam chu gingtute kilawikhawmna ahi zia in nang leh kei in mawpuakna i nei chiat ui. I nasepna chiat un Mission nâ sem hitiu. I um na chiat un Mission na sem hitiu. Mi khenkhat ten Pastorte, Evangelistte, Missionaryte bep hi Mission nâ sem in i ngai sek ua, gingu zosia hin chanchinpha gen hi Pathian thupiak a hi ti hia in theitawp sua in pang hitiu.

SUKDIKNA/THUPHACHAWINA

Hinna Vâk April 2023 issue Good Friday Sermon “Jesu Thawkna chi thum” Rev. H. Lamthianmuan, i/c Dumlian Pastor Bial in a zik na ah Bible châng Hebraite 6:1-3 a la kizik pen kha sukkhial khak ahia, ngaina ah simtu zosia leh a ziktu kiang in la hiatthiam nau ka hung dawn hi.

~ Editor

“KOCHUAM NAPI PEN MISSIONARY NASEP”

Sermon - Ezekiel 33:8-9

(Matthai 28:16f.)

~ Rev. Thangliansang
i/c Nanphalong Pastor Bial

Mission nasep a pan daw k masa pen chu Pathian a hia, Missionary masa pen le I-hukdampa’u Lal Jesu a hi. A mission field chu zia khawvel hi a hi. Mission nasepna hin a kuan dawkte sum leh pai ah pan la (sponsor) leh pauchapna ah pang te a huap vek in a hi. Mimal khat sep ah lawtin a haksa, pankhawm ah sep in, lawtinna leh gasuana a um sek hi. Zia jiak a chun kochuam in lung kigual ah pan lakkhawm ding na a hi.

Bang ziak ah Mission nasep hi kochuam in i ngai pawimaw a hi em? Ti a nuai ah gual a hin vak ngaitua khawm hitiu.

1. Lal Jesu thupiak lopi (Great Commission) a hi.

Insung a Nu ahem Pa hem a khualzin daw kuan ah a chaten a sep leh bawl ding uh thu vaithak a nei sek ua, zia chu chate’n a ngai pawimaw sek ui. Pa khenkhat a thi kuan ah a cha le a tute’n a hinkhua mat dingdan uh bawl ding leh bawllong ding a ngaikhaw k pen

thilte thu vaithak a nei sek ua, zia chu cha leh tu, Insung mite’n ngaikhaw k mama in a zawm ham ham sek ui. Zia chu a pa or a puu a hepiu leh ja jiak un a kithada san (neglect) theingai puau hi. Zia gual a chun Lal Jesu’n le zia khawvel hi nusia ah van ah a kalto ding kuan in a nungzuite kiang ah a ngai khaw k pen thil

HINNA VÂK

thupiak (Great Commission) anei chuh *“Chiau inla namtin lak ah mi nung zui in siam unla Pa leh Chapa leh Thagau thiangtho min in Baptis un, lakiang uh thu kapiak zosia hi jawm ding in zilsak un”* (Matt. 28:19-20) tin ala vaithak in hi. Kumkhua’n khawvel tawp tiang in la kiang un um zing ding kahi ati nalai hi.

Tuni ama ging tute leh gingtu hung um jel di tiang huap ah ala gen thu ahi. Zia jiakachun ama ngaina leh hepiu zosia’n angai khawk sek uh a hi. Ama Lal Jesu ngei in *“Nang un lei hepiu leh kathu piak te jawm in lau”* (John 14:15) ati’i. Lal Jesu i hepi tak tak uh a hi chun zia a thupiak lopi hih i ngai pawimaw ngei dingu a hi.

2. Lal Jesu’n a kochuam chuh Missionary nâ sem din adin a hi.

Khawvel ah pawl

(Organization) chuam chuam kidin haw hi tup leh dawi nei ngen ah din a hi sek hi. Tup leh dawi umlo in bang pawlle din a hi ngai puai. Lal Jesu’n a din kochuam hi chu ama Krista jal ah namtin ten hukdamna a nei thei na ding ua a din a hi. Lal Jesu’n Peter kiang ah nang Peter la hi ti kahun hil belap hi; ahin zia suangpi chung a hin ka Kochuam chu lem ing ka tin mithi kul kawtkhak chun lang zo puan a vangam chabi chu lakhut in piang ka ti’n lei ah la kan chu van a le kan hintin lei ah la thap chu van a le thap hin ah ati’i (Matthew 16:18-19). Pathian in a ma lim leh mel pu a siam mihingte satan in a pui kawitak sa a chapa Jesu’n ei hun hawl kit a, Lal Jesu’n Calvary ah a hinna pia’n khatvei thu ah khawvel gitlo kithawina din a hung kipia ta, a ma ginna jiak a lungsiat man ah hukdam ah um thei na ei hun siam

piak kit a hi. Zia a hukdamna chanchin chu helote kiang ah gen sawn jel na chu a kochuamte kiang in a ngata, Zia a nasep ban chu sem jawm jel di'n a Kochuam hi a din ala hi. Dakpu (Postman) mawpuak na i chung un a nga a hi. Dak pute chun lekha poimaw a khut ua um chu a nei te, a chang didawl kiang ah a piak tung ngei diu mawpuak na a nei gual un kochuam te'n le Krista hukdamna chanchin pha hi namtin a chang didawl te kiang ah hawp dawding mawpuakna i nei u'i. Pathian in Ezekiel galveng pa mawpuak na a la piak gual a khan Lal Jesu'n a kochuam te hi Galveng pa mawpuakna ei pia a hi.

“Migilo kiang ah Aw migilopa thi ding lahie kati ah zia migilo chu a um dan phalo nusia ding ah lavahil lo a hi chun, zia migilo chu a thil bawl khial ziak in thiding a hin

hemaleh a thisan phuba chu nang chung ah ka sik ding a hi (Ezekiel 33:8). Zia gual a chun Kristan a kochuam a dinna ziak leh ei sawl na ziak chun nam tinte kiang ah a hukdam na thu gen, Missionary na sep hi i kithada a hi chun thiamlo chang ngei ding i hiu.

3. Kochuam hat na leh hiselna bul a hi.

Kochuam in a sep ding semlo ah a buaipilo di thil tampi – Property a hem, Uleh nau chi leh nam vaipo a buai pi phat leh kochuam thagau lam ah hatlona leh hisel lona a hung um nuam sek in a hi. Pastor Oswald J. Smith (1889 – 1986) in le “Kochuam hiselna leh tha hatsak damdawi phapen chu Missionary nasep na hi a hi” a la ti a hi. Thagau mang thai nasep vei lo leh semlo chu kochuam thi a hi le a la ti hial hi.

Khatvei mipiang thak lim

HINNA VÂK

jik thiam (drawer) khat kiang ah Pastor khat a va chia, kochuam thi lim ziak piak din a va gen a limziak thiam pan le thakhat zo ah hung kilak in tin a vaithak hi. A kitiamna gual un tha khat zaw ah Pastor pa vachia in a va kilak ta, In a tun ah a lim chu a etvel leh kochuam thi a hina a mudawk zo tapuai. A lim a chun Biak in building hawi mama, Biak in mai ah Gari park na leh Gari hawi tak taka um hi. Biak insung cheina leh chutna sofa hawitak tak leh music sound system hawi tak tak ngen leh upa leh Pastor te chutna adim mipi te le kikhawm biak in dim in a mu kochuam hat tak leh hing tak in amui.

Lim jia k thiam pa'n le Pastorpa kianga pauchap na'n Pathian kiang ah kadawt eimusak gual in kajiak a hi; Pastor pa pauchap thak in la,

enpha kit in a ti gual a a bawl leh a hun mudawk ta, pulpit mai ah kikawi Misssionary box khat a um a, paisa khiak na di a hawm pen chu mum gang kai in thaw lawm kikhia kha talo lim chun a hun mudawk tan a hi. Missionary na sem lo chu pawlam mit mu in et lawmtak himaleh a sep di pen sem lo a hiziak un Lalpa mu in kochuam hing a hi ngai puai. Ziagual a chun Thupuan 2:1-7 ah imugual in tawm ngai leh hat mama i la kisak lai in Ephesia kochuam te demna thu – La hepi na masa kha la nusia tai ei ti khak ding a lau um hi. Lalpa'n septhei na hun pha ei piak sung a hin a man a ngai khawk Missionary na sep hi ngaikhawk thei ah pan thak la chiat di'n Lalpa'n a kochuam te suhat thak ta hen. Amen.

KHANGLAITE LEH MISSION

~ P/P Lalgoulian,
New Lamka

Khanglaite hin mission nasepna panmun pawimaw tak mai. Ka lua ui ti Bible a pat in a muthei hi. Kochuam masate'n chanchinpha puangzak dingah a la sawldaw teu kha khanglaite ala hideu sek ua. Siamphat kochuam um nung a, Europe leh America gama halna a hung tun zaw nungin khangthak tamtakte chu mission nasem dingin a hung kipedawk ua, Africa, China, India leh mun dang dang a te'n chanchinpha a hung gen ua. Watkin Roberts khale kum 22 bep a hi in chanchinpha gen in Manipur a hung lut hi. Tulai hun a hin banggual ah khanglaite hin mission nasepna lam hi chiapi ding ihu em ti hi sau lo cha gen ding ihin, zia masang a chun 'mission' genchianna nei masa hi tiu.

1. Mission chu bang a hem?

Mission kiti thumal hi Latin pau 'missio' leh 'mittere' a kipat lak a hia, a umzia diktak chu 'sawl' tina a hia, bang hem khat bawl ding ah sawl tina a hi. Kum zabi 16 hunlai a Jesuit pawl te'n gam chuam ah chanchinpha va gen ah school leh biakin te va tung ding dingah a sawl teu akipat chun 'mission' tia min hi hung ki mang pan a hi.

1.1 Mission chu Pathian â a hi :

Jesu Khrista van ah a kal to ding kuan ah "...*chiao inla, namtin lak ah mi nungzui in siam unla...*" (Mat 28:19) tia a nungzuite kianga a gen kha Khristiante 'mission' hung kipat na bulpi gual in ngai a hi. Himaleh, theologian minthang tak Karl Barth chun, 'mission' kiti hi mihingte â bep a hi pua, 'Pathian nasep a hi zawi' a la ti a hi. Thuthung Lui hunlai kipat in Pathian 'mission' chu muthei in a um hi. Israelte Aigupta a kipat in a la puidawk a, namtin zosia

HINNA VÂK

â ding ah malzawlna leh hukdamna hung tuntu a hi theina ding ua a la telchuam ah, muthei dingah David leh Solomon te lenggam a la tundinsak in, amau phunggui a kipat in Jesu Khrista chu a hung piang hi. Zia hi Pathian mission mihingte â dingah a bawl chu a hi.

1.2 Mission chu Pathian mizia a hi :

Pathian in Jesu Khrista chu khawvel gitlona apat tandawk dingin a hung 'sawl' a (Joh 3:16) Jesu Khrista ngei chule sawl ah a um dungzui in thumang takin mihing in hung piang a, kraws chung a thina zo in a mission chu a subukim hi. Jesu Khrista leh Pa Pathian chun mihingte enkawl ding leh thamuan dingin Thagau Thiangtho a hun 'sawl' kit hi (Joh 14:26). Zia kipat a chun Pa leh Chapa leh Thagau Thiangtho kizawpmatna chu mission nasepna a 'sawl' a hinaw a langsal ma ma a, mission hi Pathian mizia khat

a hi dan a muthei hi.

2. Mission Nasep dan :

Mission nasepna chu ginglote kiangah chanchinpha puanzak hi a hi ti'n Kochuamte chun kum sangni hial ala chia piu a. Ahinla kum zabi 20na a hung hi a pat in, kochuamte'n nasatak in mission nasepna chiapi dan hi etthakna a hung kinei a. Mission nasepna hin mihiam hinkhua zosia huap kha gual ah ngai a hung hi.

2.1 Mission chu mihing hinna subukim a hi :

1948 kum ah Protestant kochuamte nasep khawm na dingin World Council of Churches (WCC) a hung kiphu daw a pat in mission nasepna hi suithak kit a hi. 1968 kum a WCC in Uppsala khawmpi a nei ua chun mihingte khawvel ah bukim taka a khawsak theina dinguh lampi siampiak chu mission in a la pawm uh a hi. Liangvaite sawmdawl, saltangte leh tawden a umte zalen sak, pampai te puilut ding leh beidawng te kianga

kinepna piak ding tiang hi mission in a huap dan genkhawm a la hi. Zia hi Jesu Khrista mission (Luk 4:18) sutzawp na le a hi.

2.2 Mission chu thilsiam zosia kepbith a hi :

Kum 1970 tuam vel a pat in mihingte du-am ziaak leh khawvel khangtona a hin thilsiam ganhing leh thing leh gua te hi kepbith ahilo chun khawvel siatna tiang tung thei ding ahi ti hiat a hung hi phat in, *Ecumenical Affirmation on Mission and Evangelism* (1980) chun gam leh gua venbitna hile Khristian mission in huap a hi dan a sulang kit hi. Pathian in mihingte kiangin lei ah thil um zosia chungah thuneina ka piak (Thl 1:28) tia a gen leh, Jesu Khrista'n "...*thilsiam zosia kiangin chanchinpha vagen un...*" (Mar 16:15) tia a gen kha tawh kituak ah thilsiam zosia kepbith hi mission nasepna ngai a hung hi.

3. Khanglaite leh Mission Nasepna :

Mission nasepna i genchian nau a kipat chun khanglaite hin mission nasepna i pan theina dinguh hi lampi tamtak a um hi ti a muthei a, ziate chu a ban ban in genkhawm hi tiu.

3.1 Evangelism (Chanchinpha puanna) :

Kochuam masate ngai a chun Chanchinpha puangzak dingah kipiakdawna khel ah lopi hi um lo a hi. Tuni chan a hin missionary dingin khanglai tamtakte a kipe dawng zing ua, kum sin in Mizoram Synod inle khangthak bangjat hem te chanchinpha gen dingin a sawl zing hi. Khanglai lunglutna neite leh Pathian kona dawngte a ding a chun Mizoram Synod Mission Board a hia, ahiloleh Youth with a Mission (YWAM), Interserve India, Indian Evangelical Mission (IEM) leh a dang dang tamtak mission nasep theina ding a um hi. India sung beplo in, gam chuam chuam

HINNA VÂK

ah sem ding le mi a mamaw zing ui. Zia mission nasepna ding a hin theological degree neite bep chia thei a hipua, a sem nuam tapo chia thei a hi. Zilna lamah mithiam BA, MA bep hilo, professional line a doctor, nurse, engineer, law degree nei te haw le mission nasepna hin mun awng zing a hi ti hi hiat ding a hi. Tulai a hin social media ahiloleh internet platform chuam chuam ah chanchinpha gen dingte a pawimaw ta, zia na ding a hin khanglai mithiamte haw le pawimaw ma ma a hi.

3.2 Thilsiam zosia chung mission nasepna :

Masang achun thingtang gam in nek leh chak i hawl ua, thing leh gua leh sa leh nga te i nek kham kham uh hawlkhawm in i um ua. Ahinla tulai hun a hin i khawsak danteu a kitheng danglam ma ma ziang ta, thing leh gua, lei leh suang te hi nasa tak in sumdawng na ding in mang tau a. I masang dinguh

bangmagello in i gam leh guau hi ei un ki nek gap gua ziang hile a kilawm hi. Khangthak khenkhatte thatnawp a hile meithal changkang tak tak chawi a gamvak hi a hi. Zia hi Khristian Khanglai te bawling a hi ta pua. Masang ah i pu leh pate'n nek ding dang ala neilo ziak ua vacha leh gamsa te ala kap ua, ahinla tulai te hin sports gual in i mang ua, i gam a hin vacha leh gamsa te a tawm ma ma ziang ta. Thing leh gua leh gamsa umlona gam chu thalek gam hung kisuak ding a hia, a tawp leh mihing natiang chen theilona gam hung suak ding a hi.

Pathian in mihingte a siam a khan thilsiam zosia chung ah thuneina ei piak bep hilo in, gam leh gua leh ganhingte kepbit leh ventup kha i mawpuaknau leh mission nasepna pawimaw tak khat a hi. Gancha chung leh thing leh gua i bawl dan teu hi i gam a ding in a hawi na em? Tunung

tak leh i tu le chate a dingin chenna tak a hung hina diam ti hi ngaitua thak hitiu.

3.3 Namtin chitin te kichamna :

Namtin, chitin leh pautin te kituak taka chenkawm theina ding siam hi mission nasepna pawimaw tak khat a hi. Tuhun a hin, Ukraine, Myanmar, Syria, Afghanistan, Ethiopia, Congo leh gam tamtak hi kidona phual gualin a um zing hi. I chennau Manipur sung jiang a hin le namkhat leh namkhat kikal in kihetthiamlona a piang sek a, kinakna leh thisan suana tiang hial le a tung sek hi. Mi zosia hi Pathian cha ihu a, Metei, Naga, Kuki, Zomi, ahiloleh Vaiphei, Thadou, Paite, Hmar ahi ziakua kichuam bawlding a hi pua. Pathian mitmu a chun kibang suak i hui a, Pathian mission chule mi zosia chungah kilat sak ding a hi. Sakhaw chuam chuam zuite tawh khawsa khawm ihinau a hinle, sakhua ki za

tua pi a, midang siatna ding leh simmaw na dinglam bawlding lo hi a phai.

3.4 Genthei liangvaite sawmdawl :

Jesu Khrista khawvel ah a lenlai ah a mission nasepna chu leng leh lalte kiang hilo in, migenthei, damlo, mitthum, kengbai, jeng, meithai, migilote, nawchizuakte, sedawlte haw tawh ala kipawlding in, amau haw hinkhua hi ala ngai pawimaw ma ma a hi. Khanglaite haw hinle bang na sem in khawitak in umleu hinle Jesu Khrista guala awpbet a umte, gentheina sal ah tangte, liangvaite, lungngaite panpi ding leh tungding kit ding hi mission nasepna pawimaw tak mai a hi ti hetmil lo ding a hi. Pathian in khawvel ah hausakna leh lopina a ngaisang pua, ahinla khawvel ah genthei leh beidawng te kianga kinepna piak ding a ngai pawimaw a hi. Khanglaite, missionary dingah kuandawkd theilo te

HINNA VÂK

a dingin le i kiang i kîm ah genthei leh liangvaite panpi thei dan dan ah panpi ding hi a pawimaw hi.

3.5 Vaihawmna dik chiapi :

Tulai i gamsung a hin thutak leh vaihawmna dik hi a basam ma ma hin a kilang hi. India gamsung a hinle Manipur hi nekgukna tamna pawl khat hi ah hiat a hi. Manipur sawrkar nuai ah nasepna i hawl ding inle sum leh pai piak ding neilo te a dinga chun kinep phaklo khawp in a um tai. Zia hun a hin sawrkar nasepna dawi ziaka sum leh pai piak a, dan diklo takah sepna mu te le ki um maithei a hi. Zia ban ah chun mi gentheite dawpsangna ding ah sawlkar in panpina a siampiak te chu thuneitute'n amau sakhau in a kawilut zo ua, mi mawl, genthei leh haksa te chun bangma a chantum dinguh leh a nek dinguh mu talo in a um ui. I gamsung ua zia gual tawbang a kivaipuakna diklo um zing hi Khristian te hin

haisan ding leh suktawp ding hi mission nasepna pawimaw tak khat a hi.

Thukhakna :

Gingtute zosia chu Khrista thu hiatpitu ding leh chanchinpha gen ding ah sawl ihu a, mawpuakna i nei vek ui. Missionary nasem ding leh gamthak la dingah kuan ding hi Khristian Khanglaite mawpuakna liantak chu a hi zing hi. Ahinla, khanglai zosia chu missionary ding ah kuan dawk theilo leu hin le mission nasepna chu i thul dinguh a hi puai. Nek hawlna chuam chuam leh insung khawsak dan chuam chuam a hi inle, Khrista thu hiatpitu ihinau hi taklang in, i chiana phawt uleh, i thilbawl tapo un mission nasem gualin ki ngai chiat in, thilsiam te chungah leh khawvel ah mihing te zosia chungah chanchinpha puang zak thei dingin kisa hi tiu.

IDIN NAMUN

(Hebraite 9:27)

~ Upa Sata,
Thanlon

“Mihing a dingin khatvei thi guatsa ahi’n, ziazaw chuleh vaihawmna um in a.”

Tuni hun ah Article zik thei ding ah hun pha ei petu I biak Pathian chu pāk in um henla. Zia Article zik ding ah Phone ah kavak hiat in ngaituana ka lungthim ah hung kilang pathum a hunglut a, khanglai tamtak hin Hinna Vak sim tam di’n ka gingcha pua. Pa mawpuakna ka lungthim in a hung kilang ah thina mi zosian i tuak ding a hi. Pathian in thina a la siam lou hileh khawvel in ei dawlo maithei a hi. A hi’n Bible in a gen pen chu taksa chu thi ding ah eila siam a hia.

A lau um pen chu pumpel theilo di vaihawmna vaihawmna hungtung di pen um ding ahi na in Rapchar chu hi la chung ah vaihawmna ah hung tung ta hen la hileh nang hungtung di hi semgim ten a uh Inkuan la kim na diam uh sepgim man kipaktak ah nau le? Pengkul a hung git phet bang nui kawm in a chung leh Ama doigual bawl te chu thu tan hitan tin, Lalpa a ding thiamchang in hung tho intin ah ala kimang lo sualna leh uh a doilo gual bawlte chu gitlona zu leh sa a la ki lawi thiamlo chang in ah. I Lalpa ten bangtuak di? Jesu chu a khatvei na’n gitlo

Chanchinpha ei Manipur tatna nasem ding in a hung ah ahunglut nung le kum ah, a nivei na’n thik tiang ah 100 val hial ta, thina i tuak di vaihawm ding ah hung di ahi.

HINNA VÂK

La phuaktu'n Lal na sem hi tiu've a hungkit masia ati gual in bu at ding a tam ah a sem te a tawm ui.

Nidanglai in beigual a kibawl ah thu gen in Biak In ah khatvei ni vei ki pang kha ham chu Beigual na khawlai in tângsam gual in khawlai ah kiko di ti hi tawp mai chu zia ni tak ah chun ngaideu ah kiko di paungaina le hilo huphulna'n ka dim ah, zia ka gen chu la dinna la umna khawitak a hi em? ti a hi. Mi pakhat gamvak gammang pakhat hi khua la thim di hi ta a vak et

leh gammâng lak ah sa mat na di vawmtak kim nuam tak hi amau gammang pa chun vomtak a hila helo in ava giak leh khua a hung vak phat ah chu a nuailam ah chun sou a dim in ah um ah achung ah ajang si ki bawl savom an chak zia chu le a mu ala kai pel leh savom thi ah thimai di ah hi. I din na i um na khoitak a hi helo gingu tamtak i um din ginchak a um hi. Tuni hin thina khel ah khawpi um chu juan chiat thei din Lalpa'n a thu gasua thei di'n malsawm ta hen.

“Chapona tunsak thei lawtinna sang in Sukkhalna kingainiamna ei tun sak tu chu a pha zawi”

KRAWS

(Galatia 6:14 ; 1 Korinth 1:18)

Upa Gouchindou

Galatia 6:14

Keivang in I Lalpau Jesu Khrista Kraws lo ngal chu kasuan lo ding zia maichu ama ziak in khawvel hi kei a ding in khetden in aum tan, kei le khawvel a ding in khetden in ka um tai.

1 Korinth 1:18

Kraws thu chu mangthaite a ding in ngawlhuai a hin ei haw hukdam hizingte a ding in vang Pathian thilhitheina a hi zawi. Lalpan athu athak in malsawm taken.

Tuni a igen ding uh Kraws hi Jesu Khrista kraws ahi, zia kraws hi, melsetak, lau um tak leh gimneitak ah mat ala hisek ah, himaleh Lal Jesu khetdenna mat a hung hi phat in gingtute a ding in ngainat umpen leh ngaisan pen ahung hitai aziak chu kraws hin Pathian hepina ei eimu chiansek ah, Pathian hepina ei hiatchian saktu ahia, kraws hi thiam ichanna ding ua Pathian in a hung mat ziak in Pathian in ei hepidân ihe thei u a hi. Chanchinpha John 3:16 ah Pathian in khawvel a hepi ziak ah achapa eipiak thu imu, achapa nei sun Jesu hi kraws tunglo in kraws ah hung

thilo hileh Pathian hepina hi kigingcha thei puantin iginlo u chun igitlonau ah um zing nalai thiam chang nailo hi ding ihiu himaleh kraws jal in Pathian hepina iging thei tau a kraws jal in thiam ichang tau ahi. Lalpa chu lopi ta hen!

A ban in lengpa NePaul in zia hi amuchian ah, Khrista kraws chu suanpen in anei ah, ama a ding ah lawkna ding taphawt chu khrista min in a chôn ngam ta a hi.

Tuni ahin unau dawitak nang leh kei in Khrista min ah bang chôn inei tam? Bang bang nutsia inei tam? Ki ngaitua hitiu kraws jal ah chôn ngam

HINNA VÂK

ding leh nusia ngam ding ah chun khrista kraws bultun a ngai ah kraws ah bulpat a ngai a hi.

Kraws bultungte chun kraws thilhitheina achang sek ui. Lal Jesu ngei in zia kraws zia ah chun sualbulpi Eden sualna gan tamtak thisan inle asil thiangtheilo chu eisil thiangpiak ta a hi. Pathian lopi taken!

Unau Lal Jesu'n nang leh kei a ding ah kraws a puak hi la ngaitua sek em? Dangchâk kit taklona ding tuihinglui neitu kha dangchâk ngawi ngawi in kraws lek a khan a kiko eivei natna tincheng sudam theitu kha kraws a khan ama a kisudam thei talo ahi khah. Ama panpitu ding vansawlchakte 6,000 mun 12 sang ah tamzaw kotha thei pa chu. Mite vawk thidup leh engho na tincheng athuak ahi. Zia gual kingaitawmna leh nunnemna hinkhua hi a kengnung izui ding ua ei nutsia piak ahi.

Khrista kengnung hawitak ah izuitheina ding un kraws ah kile kit hitiu kraws panglo in

Khrista nungzui phatak hithei puai tiu. Jesu ngei in le kuan le ei zui anawp leh ama kihemil in nisin a kraws kiput in eizui hen ati ahi. Unau kraws tunglo leh kraws ah bulpan lo inle Pathianna asepe theitho hi, himaleh gapha asua sek pua, kraws ah bulpanlo ten asepe tam pole asem pen hi kisakna chaponalungthim hung pawt in, mite hinna asukha sek ui kraws ah bulpan ten vang kraws thil hitheina zia in a thiam pen le a thiamlo pen gual in aum thei ah, ahe pen le ahelo pen gual in insung ah sum law tampen le chengkhat le lawlote nuai ah umthei ah, alianpen tenle aneu pente nasepe piaktheina anei sek ui. Zia hi khawvel dan in vang ngawluai a hi. Himaleh eihaw hukdam chate a ding in vang Pathian thilhitheina a hi.

Paul in zia hi a nei ah a ma hunlai ah thiamzilna mun hawi pen ah zildawk Juda mi Romte khua leh tui hina nei thagau lam ale vanthumna tiang ah thil umte mu leh hia kisuang ding hileh suan ding tamtak nei chapo nuam leh chapo

thei himaleh kingaitawm kasuanlo ding zia maichu ati
tak in mithiangthote lak ah thei ahi. kraws suanpen ah
neupen ahunlo ah piang i neitheina ding un Khrista
gual in a kingaithei ahi. Zia hi kraws bul naithak kit hitiu.
kraws zal ah anei ahia ziaziak a Lalpan athu ei malzawlpiak
chun Khrista kraws lo ngalchu taken!

SUNDAY SCHOOL KISIMNA LEH REGISTRATION FEE PIAK DAN

MSSU Kikaihuaina dungzui in Kochuam tin ah Sunday School ah min kikhum zosia (Hotute, Zilsaktute leh Zillaite zosia huap) hin MSSU zawpna fee, kum khat â ding ah cheng 5 a piak chiat ding uh ti a hi'n, zia chungchang hi hiat buai a um nuam sek ah, ziagual hin hilchianna taklang hitiu:

1. Kochuam Sunday School Kisimna chu kum bul lim ah Kochuam Sunday School Secretary-ten a vaima thei pen ah a sukfel ngâl ding ua ngai a hi.
2. Kochuam Sunday School Kisimna chu Kochuam Sunday School Secretary in Bial Sunday School Secretary khut in pelut ngal ina.
3. Bial Sunday School Secretary chun ziagual ah Kochuamte kisimna a dawnte chu a khaikhawmna ding ah form kisiamsa mang in khaikhawm intin, Bial Kikhawmpi ah Report ina.
4. Bial Kikhawmpi in a pawm tâk Report dungzui ah chun Kochuam tinte'n amau kisimna chiat Total apat khan mi khat zel ah cheng 5 hisap chu Tualsung Sum apat in Synod Treasurer kiang in, Registration Fee ding in, Sunday School Thawlawm zawn (Form C leh Form M) ah ziklut in a submit ding uh a hi.
5. Bial Sunday School Secretary inle Bial Kikhawmpi in a pawm tâk report chu Office lam in, a vaima thei pen (May tha bei masang ngei in) a pelut ding a hi.
6. Bial Synod Treasurer in Kochuam tinte apat Sunday School thawlawm (Registration fee) a dawn chu May tha apat in Office ah a pelut pan ta ding a hi.
7. Kochuam tin in kum khat sung ahin Sunday School Thawlawm hi Office ah piaklutna ding nivei chet chet a um hi –
 - a. Registration fee (April/May tha apat kipelut pan ta kha) tawh,
 - b. Khawvel Sunday School Ni (November Pathianni masapen) thawlawm hi.

“CHRISTIAN HINKHO ”

Pi Lhingkhovah, CKNP Chairman

Christian hinkho article jih thei dinga phatpha eipe ipao Pathen thangvah in um hen. Phat hoitah kachan khah hi Pathen kathangvah'e. Hichi article sim jouse Pathen in ajat ja in masawna eipe uhen.

Ephesus 4:13 laihi isem'a ahileh christa a pilhin dunchan phadinga eihil nao aki mu in ahi. Lhagao a masawn bena ding thudol'a hin chomcha a iki houlim khom diu hi kahin deilhen ahi.

Christa a imasawn diuhi i pakai kipana pen chu ahi. Jesu christa eihuhhingpu leh lengpa'a ikisan niuva pat'a aman eihoa avet nompem leh angajing chu christa ama adia ikal son nao hi ahi. Ama deilam a inun ikhan athen'a anungjui ihi nao hi eivet lhah jingu ahi ti hi heimil pouhite.

Christian min iput mai2 ja hi Pathen ichunga kipah ahipoi. Bible sim sim jeng alhacha natong'a pang pang jeng tao tao jeng ahivanga eima a kon'a christa ngailut na tahbeh inei loule ichunga kipah jeng ahi deh poi. Ahin Bible sim louding taolou ding tina vang ahidepoi.

Tahsa lam dol'a seidin mihem hi naosen a ihung pen uva aban ban'a ihung khan uva mipi lhing ihung hiji u ahin. Amavang chate ahung khan dungjui uva thilse thilpalou ahin bol khah niteng nu le pa kikipah louhel ahi. Thilpha ahin boldoh'a thu mang tah a ahung khan let ule nulepa kipana chang jiu ahi. Chutobang chet 'a chu christian hinkho machalna athu'a inun a ama adia tahsan um tah a ikhandoh a athupeh init a ahi leh ipathen jong ichung uva lhunglhai ding ahi. I christain hinkho'a imachal nadinga boljing dinga thil dei umtah chu (a) Bible simjing (b) Taojing (c)niseh

insung maicham (d) kikhop na gelkhoh. Adang tamtah umjongleh hicheng hi tunin seikhom ute

Bible isimjing'a, itaojing'a, kikhoma iche jing ahi chun christian hinkho a machal bena tamtah akimu be jingin ahi.

Pathen cha kahi ti in, Bible sim ngailou, taona nei ngailou, kikhom ngailou vin umjeng leuhen i christian hinkho ama chalna ima umlou hel ding ahi, i Pakai kipana jong ihi khahlou ding kichat umtah ahi.

Christian kihingal ahivanga kipana neilouhel, lunglhaina jong neilou mitampi aki umji'e ajeh chu christa a ikhan ding bang uva ekhan ji lou jeh uva kipa nale lunglhai na inei thei ji lou u ahi, chuteng eisempao i Pathen jong ichung uva kipah ji lou ahi ti hi sumil pou hite.

Amavang nidanga ibol khahlou ho ihin bol theija athu ihin nit thei chu christa'a masawn bena ahin eisempa kipa najong ahi.

Philipi 4:4 na hi isem'a ahi leh nangho Pakai ja kipah thanom jing un ti hi avel vel'in ama'a kipah din eitem kit un ahi.

Hinlah tuni hin ivet a ahileh Pathen a kipah tah a hinkho ana mang saho jong aki lhadai gam abang tan ahi. Gunchu tah'a Pathen kom'a taojing mi tam tah jong tao ngap cha ta lou bangin aki lang tan ahi. Pathen gam kehlet nadinga ina toh nao hojong machal be a khan tou sangin itohsa ibolsa ho jong tong ngap lou mi tampi aki umtai. Christa ihuhhing pu a ikisan nao athah a gel doh kit'in malam jon jinguhite.

Ephesus 6:10-20 sunghi ana sim kit uHITE. Lhagaova inun ikhan apha ihidiu eidei jeh un ikivon dingdan gei uva eihil nao aki mu kit'e. Hibang chun mihing te jong ekhan ding dol tah a ikhan let theija ahileh akidam theijin lim leh mel jong ahoijep teije, hichu nulepa insungmi kipana jong ahi. Hichi tobang chet'a chu lhagao thu'a jong ikhan ding bang tah a ikhan let theija ahileh i Pathen kipana jong hi tei jinte.

HINNA VÂK

Sopite Pathen adin kilhan thengin ama adin tahsan umtah le ginchat umtah in alenggam na itoh naova chim tih neilouvin pang jing u hite, tia iki tem u ahi.

1 Peter 2:2 Solchah Peter in jong christa thu'a machal dinghi ana gel khoh lkeh in naosen penglha bang'a halpi beihel lhagao bongnoi ngaiin um un tia eihil nao aki mu in ahi. Lhagaov'a hin hoi sella ihin diu le ikhan let diu chu eidei u ahi. 1 Peter 2:6 na a jong kichen tah in eihil un ahi Pathen sohte umdol tah'a um din eidei uve.

I Christian Hinkho ihin man nao hi nungvet kit leu hen iti ihung machal ham? Pathen lungdei le lunglhaina ihung machal hinam? Ahiloule christian ihi chu pha sajeng a iki gel'a lunglhai sella ihung khantou ham? Ikhan let dan Pakai kipana ihi khah lou ding ki chat aum'e.

Christian hinkho'a pilhin thei na dinghi thil beilam vang ahipoi. Ahinlah Pakai Jesu'n

koi hijongle ka nung eijui nom'a chun ama kingaitom henlang athingpel kiput hen lang kanung hin jui hen ati hel in ahi.

Tunin eiho jong eima cheh kingaitom' in nitin in thingpel kiput in Jesu nung jui'in i Christain hinkho pilhin sah nadingin mason u'tin chunglam ve pum in kalson jing'u hiute.

Ajeh chu Pakai Jesu amatah in jong *"koi hijongle athingpel kiput'a kanung hinjui lou chu keija hoi ahipoi"* ati (Mat 10:38). I thingpel iput jinghi Pakai kipana thei'a iput jing hinam tunin eima cheh kinung vet phat kit cheh u hiute. Moltah a ihin seidoth u'hi asim jouse adin Pathen in pathei eiboh peh cheh tao hen.

Hichi sermon chomcha kahin jih sung'a jonghin christain hinkho a din machal bena tamtah kahin neibe jeh in Pathen kathang vah'e.

AW KA HINNA LALPA CHU PAK IN

*A Phuaktu : (L) Upa Genlallian
Hill-Town*

Zia la phuak tu (L) Upa.Genlallian hi Date 29th January 1975 kum in Lungchuang khuan apiang hi. Unau panga (5) Pawsal pani leh Numei pathum ahiu. Ama hi unau lak a upa pen ahin insung etkaw! na leh nek leh chak hawl na kawng a neucha ahi apat in nu leh pa ala zathuap to zing in insung ading achun khut leh keng pen ahi. Dinmun haksat na tamtak ala palto in zuleh saleh thingnuai gammual ate nek leh chak hawl in ala pang zing a, inchen khawsak ahaksat zia in duthusam tamtak nei maleh mualsua haksas an.

Hun hung chia zel in Nu.N. Ngaihniang tawh kum 2003 in ala kicheng un, Kawppi apiak ah Lalpan amalzawl dan te haw angaitua ah, hun chiasa ah a lunggel a duthusamte geldawk vung vung in, dinmun haksas leh inchen khawsak haksas a hi lai ah kipat ala puitu Pathian in a thatham lo dan te, a chung ah a thilbawl phat dan te a ngaitua in lopi asa, genthei haksat lai ah pat eila puitu malzawl na eila petu Lalpa chu ken bang pethuk ding ka hem ti in. Sam 116:12 leh Sam 103:1-2 te apat in Pathian kiang ah kipakthu genna'n zia lâ hi Date 28.08.2003 kum in ala siam dawk hi. Chuleh zia lâ hi Khanglai Khawmpi lian 2004 Panglian ah khan Male voice competition na'n sak daw pat ala hia, tu tiang ahin kochuam leh Bial lapawl chuam chuam ten recording bawl in Youtube a etthei ding in ala thadawk ui. Manipur bep hilo in Assam lam leh Shillong lam tiang in Zia lâ hi Lalpa'n a mangchai.

HINNA VÂK

1. *Aw ka hinna la Lalpa chu pak in, Ka sung ah um zosia te hawn le;
Amin thiangtho chu pak un, Athil hiphat zosia chu hemil kin
Lalpa chu pak in
Ka chung a athil bawl phat ziak in,
Banghem ka piak thuk ding;
Hukdamna no chu lang ka tin amin chu pak ing ka.*
2. *Aw Lalpa kiang a kipakthu gen un, A ngilnei na chu pak in la san
Lim in amin chu pak un, Ama chu ihatnau leh ihin nau
Hukdam pa chu pak in.*
3. *Aw Lalpa kiang a hung chu avangphau,
Ama a chan pha chu chang intin, Taksap him nei ta puanau,
Dikna kawt chu ama din hawng intin, Lalpa ngilnei chun*
4. *Ka hatna leh ka theina zosia hi, Lalpa nang ding in ka hun lan hi
Lalgam adin ei mang in, Mangthai ten hinna anei na ding un
Aw Lalpa dawî um.*

PATHIAN LUNGAWINA

Pathian in mi a hopi dan hi ahun leh amun a kibang vek pua dinmun dungzui leh kîm leh kiang ah thiltungte mangcha mi tamtak te ala hopi sek ah, ziate lak ah pakhat chu zia lâ pawtna ding ah Pathian in (L)Upa. Genlallian ala hopi dan hi a hi. Kum 2015 in Manipur ah a bîktak ah Thingtangmite leh phaidung mite'n buaina i nei uh chu 3 Bills ti ah ila hiat uh kha a hia, Sawlkar leh mipi kinawk tua in, thina hial inle vai ala hawm hi. Phaidung mite leh thingtangmite kikâl in kilung nawplona aum a, kikawmtua leh nek hawlna leh sumkawlveina kawng inle i kitimatnateu khan khî nasa tak a hung nei tai.

Thingtang mi phaidung ah umte leh phaizang pau mang thingtang gam ah khawsate khan, lungmuanna sang in lauthawngna bep in hun a mangzo tau hi. Zia ziak ah chun khat leh khat ki-unau tak leh lungmuang tak ah i chenkawm kit theina ding un kichamna (Hiamkham) siam a ngai ta, zia ding ah chun Sawlkar palaite leh Thingtang mi Palaite chun thingtang

pa dân zui in gan thisan sua in Kichamna (Hiamkham) abawl tau a hi. Zia chun thingtang mite leh phaidung mite kikâl ah kimuthiamlonate bei in lungmuang tak in i cheng khawm thei kit tau.

Ziagual boruak sâng tak kêl ah chun Upa Genlallian hin Pathian hopina zia gual hin ala dawng hi. Khawvel mite kichamna ding ah gan thisan sua ah hun bangchan ahem lung awi leh kicham tak ah a um theinau ah pat in Pathian in a Chapa a lân ah, a thisan ah van mi leh leimi te kumtuang kilemna bei ngai talo ding ah Pathian nasep hin a lungthim a lua lian ma ma hi. Khawvel mite hi vâng a diklo zawk in ngaidam dawtna a siam sek ahia, mihingte'n i gitlo ngaidam dawtna ding ah eimau kiseng ah gan thisan i lat dingu a hi zing lai in, Hepitu'n mihingte a hepi ziak in a chapa gitlona neilo eih tatna ding ah a hung piak mai hi ahepina mak leh a thilbawl lopi dan hi mihing kam ah gen sen zaw ding a hipuai. Zia haw

ziak achun a thak in Pathian hepina lul zia a mô belap in, zia gual ma chun khawvel mite'n a chapa thisan ah kithawina a siam hi ngaisaklo ah i um zing chun Pathian in mani chiat ah a thisan man ei sîk ni um ding a hi ti thu Lalpa'n ala piai.

Zia hun ma ma chun Kochuam ah thugenna hun piak in ala um a, ziana achun zia thu hi mangcha in Pathian thu ala gen hi. Zia thu a gen di ni hi Pathian ni Sunnung Kikhawp ahia, a thiltuak ziagual ahin ala gen hi. "Zia thu gen ding ah kakisak lai ahin Pathian ei hopina thu hi lul kasa keima'n ka hiatchian gual ahin, mi'n le hechian ve sam leu ti hi ka lungthim ah a lianpen a hi," ala ti hial hi. Agen zawm zelna achun Pauchapna tamtak tawh kisingsa in ka hun di chu ka ngak a, a ni le a hung tung ngei ta, dak git ma'n Biakin ka tung a, Biakin ka tun nung achun bang ahem hin ka taksa ei zel hileh a kilawm hi, zia laitak ah ka lungthim ah um chu Biakin mai ah lawi leh pai umte khat pen pen

HINNA VÂK

chu ko a kipauchap sak ding hi ka lungthim in alian ma ma ah, ahinla kei ah kingamna a tawm deu deu hiding ahia, zia gual ah bawl ding chu le ka ngam tapua, Biakin dak ahung gi thugen hun ahung tun phat achun ka ding dawk ta ngei ah.

Ahin lah kaki sak na zosia ka gen thei ta pua ka taksa ei zel tu kha ahat ma ma ah gen masak ding leh nunung ding le helo khawp hial in ka um khawlaw tai. Mihing hina lam ah ka gêl in ka ki-awimaw khawp mai hi ahinla bawlthei bangma kanei ta puai. Khawnung in ka nungthil kit ah ka mudaw

pakhat chu Pathian in a thu lopi tak ei piak hi a lêlam tak achun Setan inle pan nasatak ala la in, zia thutak gendaw khak ding hi setan in lau ah pan nasatak la hi in ka mui.

Ahinla Pathian vâng a thutep leh thupiak ah ginum zing ahi ziak in lampi dang ei siampiak kit a, zia kum sung ma ma ahin zia sermon thupi hi mangcha in La in ei pe zaw tai.

Ziagual a thu lul leh lopi Pathian ngaidam na thu hi, alopi a Sa tute leh ngaitha tute zosian alawkpi chiat ngei u adawisak thu le agen hi.

- 1. Khawvel hi ahung thim zo ta, Lin ahung kiling ah
Suangpi hung khizak a, Puanzak lopi hung kithek chu
Hepi Pathian lungawi nan ahi.
Zia gual thil hi khawvel hiat in aum ngai em?
Hepina mak lungawina kidang
Hepi Pathian lungawi dan hi ahi.*
- 2. Mihing khawhiat na ngaitua in, Aw ahepi lat dan melsia ahi na e
Mihing ei hepina ngaituan, aw amak in alamdang na e.*
- 3. Lei mihing te kihepi na, leh kingaidam thei nan
Zat sim ahi sek ah, maleh Pathian hepinan vang
Chin neilo in kumtuang adai hi.*

VAN KHAWPI :

(L) Upa.Genlallian hi mi fel tak leh mi titak ahi ban in mi lunggel thei tak leh thagau lam a mi lungleng mi ahin, khawtâng kochuam

leh gam leh nam veina tak mi ahia, mawpuakna le tamtak ala nei hi. Kum 2012 CKKP Vaihawmna pha sak dung zui in, CKKP Choir phudaw ahia, zia ding ah chun Conductor masa pen ding in guat ala hi (CKKP Choir hi akhawnung chawm khat zaw ah Manipur Area Choir MAC ti a ila hiat tak u leh, tu hun a Tangphai Provisional Synod Choir hung hita hi a hi). Kum 2012-2014 leh 2014-2016 term ni Conductor hina ala tu'i. Chuleh, 2016-2018 term Convener nâ ala tu zawm kit hi.

Zia lâ a bawl dawna ding ah Pathian in ala hopi dan chu zia gual hi a hi. Zia khawvel hi mi nuainung leh mi thilhithei zawte kikhenna gam ahia, Indet lodet neilote le a haksat tawp un a neitute'n a ngaidam ui ti le umlo, bat sak ahiu leh mi vangpha tawpkhawk hinalai, mi genthei leh mi nuainung zawte â ding ah lim tak a um a haksat dante, gitlona soal setan zia ah a genthei dante haw hi, khatvei chu tantu Lalpa kiang ah gen daw ni um ngei ding a hi.

Zia hun chu a nawp ding dan te, soal zia ah mitthi luannate hul tantin, tantu Lalpa âng ah Setan nuaisia ding dante haw a ngaitua in a nawp ding dan, i lopi tâk ding danteu zia mun achun ki-musitna leh kituaklona um talo ding, lungthim munkhat ah belamno pak ah um ding, Angel vânte tawh lim tawplo ah lenkhawm ding dante a ngaitua in tun kâl ngakla tak ah thîl zing pum in zia Lâ, Van Khawpi ti hi 2016 kum ah ahung siamdaw a hi.

Zia La hi Manipur Area Choir 2020-2022 term te Album siam 'LA GAM HUNG TUNG HEN' ti album in a um hi. CKKP YOUTUBE CHANNEL ah et leh ngaithei zing ding ah kawi a hi.

Note: Upa Genlallian Lâ phuak te zosia hi aleng ah a zikna zia chanchin zosia ahung ki zik suak zo pua, tuni hin Pathum bep ahung kigen thei hi. A lâ phuak dangte hiat phak thei tiang tiang te chu:

1. Lalpa chu ka bitna kulpi (22, May, 2003)
2. Kalvari ah gal zaw na
3. Lei chung ah cham leng hen
4. Ma ipi ipu

HINNA VÂK

- 1. Van khawpi tual nunnawp na, Angel vâm te lenna chu,
Van seraphim thiangtho te hawn, Belamno pakna lâ sa'n
Hinna thing dailîm nuai achun, a lopina pakchên in
Lalpa lopina pak in, Halleluiah a lem ui.
Aw zia mun lopi achun,
Ka zinna lei gim um hi
Abei phat leh kei le leng ding,
Van Angel vam te haw tawh
Van Jerusalem thak achun,
Belamno pakna lâ sa'n
Ka lungngai mitthi hul tan tin,
Aw anuam nalawm ding e
A phaiphuleng gi hawi uh tawh,
Van Jerusalem thak a
Hepi a ei tuntu Lalpa'n eila dawnna ni ding chu
Tun ka ngaklai zia hun ding chu,
Van Angel vamte haw tawh,
Hepi a ei tantu Lalpa mel ah ka mu ni ding chu.*
- 2. Van khawpi thak tualnuam achun, Hinna tui luang dam didiai,
Alai a hinna thing hing zing, gilkiâl dangchak umlo ding
Ni leh tha aksi vak ngailo, Belamno mel vak tak chu
Kumtuang in vak zing tan a, Aw alopi na ding e.*
- 3. Gualngai khen sa ten zia mun chun, lei gim um gam hi thil in
A Lalpau Pathian ma achun, Bangtik leh ahi ta diam
La thisan Phuba chu la a, hepi te la pui khawm ding
Kumtuang kipakna chang ah, hepi lengual kimna ding.*

KNP HUANG

Seminar Thupi : Numei te'n Kochuam nasep ngaikhawkna
Guanggal tu : Pi Niangphal, Chairman KNP (2011-2013)

A ni : 27th November 2011

A mun : Panglian Pastor Bial, S. Zezaw Kochuam Biak In

I Timothy 3:1-13 *"...zia gual ma chun a jite'u le mi zaum a hi dinguh a hi; mi gensiat hat hi lo in, kisum thei, bangkim a ginum a hi dinguh ahi."*Vaihawm na achun 2023 sung ah Pathian Lalgam nasepna ding ah ki guanggal thupukna kila te chu.

I Korinth 4:1-2 *"Keima hi Krista nasep leh Pathian thutak enkolte gual in ei ngai un. Zia enkolte hi'na ah hin, mi ginum hi a kul hi."*

Kochuam nasep a pawimaw dan hi Kochuam ah chanvo I nei te hi a huap vek hi. I chanvo Kochuam te'n ei siampiak te le ngai pawimaw a ngai hi. Thupantu (pantu), anchangham dawltu ah ei ki guat hile Lalpa nasep ahi ti hemil puai tiu.

1. Khristian Insung :

Khristian Insung i hung kipat nau ahin banggual in i kipan nau em? A khen in lepchia leh nêkgûk in, a khen in Kochuam dawidan in i pan maithei hi. Bang ti gual in pan ala la hita leu hinle tuni hin pan la thak kit ding in i kichial ui. Sam 127:3 *"Chate hi Lalpa ah kipat I gochan uh ahiu a; gil ah ga kipakman a hiu."* Mathai 6:21 *"La go umna taphawt un, la lungthim uh le um ding ahi*

ngal a." Khawvel ah go – in-leh-lo, huan leh gam, suang mantam leh sana dangka i nei maithei ahi, zia zosia hi vangam a i puaklut thei hilo ahi, kumtuang hinna ding ah a dai zo puai. Mihing te i thi phatleh i nei leh go te bei mai a hi. Chate vâng Lalpa ah gochan ahi zia in, bangti etkawl di a hi diam? Bangti puihuai di? Ti hi mawpuakna lianpen a hi. I tu i chate hi Lalpa kengbul a pui huai hi a pawimaw ahi.

HINNA VÂK

Khawvel thil I dawisak ah, a lekha thiam diu, Sawlkar nasepna a mutheina ding un pan nasatak in i la sek ua, zia gual ah chun kumtuang hinna a neina ding un Pathian thu i hil/dawisak nau em? Nisin insung kikhawpna'n i tu i chate i puihuai nau em? I kikhawp kâl un i tu i chate khawi ah a chiau em, i hawldawk sek uh em? Jesu kengbul ah puilut ding in nute'n panla chiat ding in i kichial ui.

2. Anchang ham :

I Synod in anchangham hi numeite mawpuakna din ei kawi piak ua, nasatak in le ila buaipiu ah, anchang ham a lul dan hi insuan ah Lalpa lenggam nasep theina pawimaw pen a hi. Nisin nek leh chak i bawl nau ah Lalpa i chawihawi nau leh i zintun nau a hi. Anchang i ham dan uh hi kibanglo mai thei ahi, ahin ei siampa Pathian i hiatdaw zing nau ahi hi a lopi in mi vangpha le ihu. Anchang ham ngal ah i piakpa'u/zintun pa'u Lal Jesu nek kham bek ham leu hin maw?

3. Biak In kikhawp :

Biak In kikhawp hi a hawn ah Pathian Biakna hun ahi ziak in ngai pawimaw mama ziang hi apha, i kikhawplo phatleh Thagau lam ah i chau sek ui. Pathian BiakIn ah i chia phatleh Pathian chawihawina lasak khawm, Bible sim khawm, pauchapna, thilpiak leh Pathian thu (sermon) ngai thaknate i nei thei ah, thagau lam ah eima leh eima a kihal sek hi. Pathian thuguk enkawltute i hi min ei hiatdawk theina ding un kikhawp hamham a pha'i. Khawvel ah mun nuampen le BiakIn ahi ngal a.

4. Thilpiak :

Luka 21:1-4 *“Chun, mi haus a te'n thawlawm bawm a thawlawm a hun khiak uh chu a la en zing a. ziate laka chun meithai chaga tak khat in paisa ni a hun khiak chule a la mu. Thutak in ka hun hil la hiu, zia meithai chaga tak nu hin midang zosia sang in a khe tam pen hi; midang haw hin a nei val uh Pathian thawlawm ah a hun khiak uh a*

hia; himaleh, amah in a neisun sun, a kitodelna di ngei chu ahun khiak ahi, a tia.” Ei hawn thawlawm i khiak kha Pathian lungawina kham ahi nadiam? Ahilo leh mite mit mu ah a kilawm kham ahi diam? Gospel Centenary lawm thei Kochuam

ih i tau ah, Pathian thawlawm bangti'n i pethei tau em? Pathian in vâng ei hepi ma ma ziak in a chapa neisun ei pe ta a hi, ei un ama Lenggam â ding in bang/bangzat/bangtiang i pedawk thei tau em?



New Lamka Bial KNP te chun 8th April 2023 ni in Gangpimual Kochuam Biak In in Anngawl Pauchapna leh Seminar ala mang ua, zia na in Pro Pastor Lalgolian in “KNP Kikaihuai na Dan” ti Seminar thupi mangchan zilsak na anei hi.



Munpi Bial KNP in Thingkeu Kochuam KNP te vena

KKP HUANG

S. Kawtlian Pastor Bial KKP

Ni 1st April, 2023 in S. Kawtlian Pastor Bial KKP ten Anngawl Pauchap Khawmna, Leisang Kochuam Biak-In ah lawting tak ah a nei thei ui. Lalpa lopina chang ta hen.



Munpi Pastor Bial KKP

Khristian Khanglai Pawl, Munpi Pastor Bial te'n Bial sung ah Branch zosia vetha ding ah thupukna ala kinei chu 3rd April 2023 ni'n apat na dingin Thingkeu Branch vethâkna ala kinei thei hi. Bangma buaina leh haksatna a umlou ziakin Pathian chu lopina chang hen.



D. Phailian Pastor Bial KKP

D. Phailian Pastor Bial KKP in Bial KKP Conference hun ah bawl ding ah pha a la sak uh "Easter Sunday Sunrise Service" chu Easter Sunday jingkal tha in Bial sung ah Branch tin te'n mani Branch chiat in lawk leh lawting tak mai in a nei thei uh a hi.



Tangphai Choir te keyboard ding chawk hi ta

KKP Vaihawm Kikhawp 7 veina Thupukna V: 4 na Tangphai Provisional Synod Choir te a ding Keyboard chawk ding ah lemsak chu 11th April, 2023 ni'n chawk daw a hi. Korg Digital Keyboard a hin, Accessories

haw taw akigawm in `45, 050/- sen a hi. Keyboard hi Tangphai Choir te'n a mat pai nawp ziak un a chawkni zan dak 7PM in Thangkai-Lungpau Hall ah Rev. C. Lalrinliana, Synod Secretary (Sr) in a nei ngal hi. Lat ahi zaw in La zil na Keyboard hi mat ngal a hi.



Tangphai Choir te Hill Town Kochuam Hall ah la zil

Presbyterian Youth Fellowship 24th Biennial Conference, Champhai Vengthlang ah 28th – 30th April, 2023 sung ah um ding a hin, Tangphai Choir te Pathian ni Zan Biakna Kikhawp ah Lapawl sak na a chang ua. Zia na ding a hin ni 18th April, 2023 ah Hill Town Kochuam Centenary Hall ah nigun in La a zil ui. Hill Town Kochuam te'n La zil na Refreshment leh Nitak an tui tak a bawl piak ua, akiphal nau leh tawmngai nau ziak in kipak um aki sai.

Zia ni hin lamka Pastor Bial KKP te'n le Lapawl Member te dawn ding Coke a hung pe kit un, amau chung inle kipak um aki sai.





SUNNA

UPA SOITINSONG (1942-2023)



Upa Soitinsong (81) hi Pu (L) Chungzakham leh Pi (L) Sawizachin chate 7 (*Sagi*) lak ah a neu pen din August 1942 kum in M. Vawkbual khuan a piang ah Date 30th January, 1982 kum in Pi Manchin tawh Buallian KSP Kochuam Biak In ah Kochuam Dan Thiangtho in Rev. Haukham in akhutsui hi. Cha Pawsal pani leh Numei pani anei ui. Nek hawlna ziakin sepai (*Assam Regiment*) in 1966 kum in alut ah sepai apan sungin Pathian Biakna lam Christian te lak in Elder in apang hi. Kum 1984 kum in ahung pension ah sepai sung ah Hindi first class in a passed hi. A hung pension phatin aban sunzawm in Hindi in BA azo hi. Ahung pension nungin Hindi Teacher in asem kit hi. Jubilee Kochuam ah hung kimang pan in Committee chuam chuam in mawpuak na ahun tuto ah Date 6th January, 2008 kum in Kochuam Upa din tel tin ahi'n, zia kum ma Date 12th October, 2008 kum in Jubilee Kochuam Upa dingin Aizawl East (*Veng hnuai*) Presbytery Kikhawmpi in Ordain ahi. Kochuam ah chanvo chuam chuam Vice Chairman, Secretary, Finance Secretary, Sunday School Superintendent te ban in Bial ah Treasurer (Synod) in apang hi.

May 2023

Pathian nasem in thei tawp ah akimat zing lai in A natna le hemasa selo in Date 16th March, 2023 Zingkal Devotion zaw Walking chia zo in Annek zaw ah atu te School thak zo in ahat (*Breathing*) haksa hungsa in kin tak ah Hospital puak hi ma leh phachuam ta lo in 12:30 PM in angai cheng nusia in asiamtu kiangin achawldam tai. A zing Date 17th March, 2023 ni'n Inlam ah Rev. Lalremliana Colney, Bialtu Pastor in vuina anei ah, Biak In ah Upa Ginkholian, *Moderator Lamka South Presbytery* in vuina anei in, Bial Lapawl te'n thakna la sa in Thanmual ah Pro. Pastor Minthianboi in hun mangin Kochuam te'n it tak chung in thaklian ahi.

*Report petu
Upa Hautinlam
Secretary
D. Phailian Pastor Bial*